Landesbibliothek Oldenburg

Digitalisierung von Drucken

Disputationes Chirurgicæ Selectæ

Haller, Albrecht von Lausannæ, MDCCLVI.

VD18 90538986

CXXXIX. Quaestio Medico-Chirurgica.

urn:nbn:de:gbv:45:1-16618

CXXXIX

QUÆSTIO MEDICO-CHIRURGICA,

Praside

M. JACOBO ALBERTO HAZON.

Resp.

FRANCISCO THIERRY


TULLENSIS

Parif. 5 Febr. 1750.

An tutior faciliorque vulgari detur aneurysmatis Chirurgica curatio?

Ddg







I.

Neurysma Græcis, Latinis accurate redditum dilatatio, arteriæ sere solius morbus dicitur, de cujus natura & differentiis haud ita planeconstat. Antiqui enim, Galenus, P. Ægineta, &c. obscurius quam more suo morbum describentes, ipsius essentiam & species in arteriæ anastomosi & ruptura constituere videntur; recentiores vero dum aneury smatis duplex genus admittunt, legitimum unum quod ab arteriæ dilatatione fola, spurium alterum quod ab ipfiusmet apertura nascitur : eas aneurysmatum species pro legitimis sæpe accipiunt, quæ tamen à sola arteriæ apertura pendent. Opinionum itaque diversitas, reique implicatissimæ momentum requirunt ut morbi causas, earumque effectus diligentiori examine primo inquiramus. Causæ hæ recensentur: externæ, contusio, percussio, violenti corporis nifus, validæ membrorum distentiones, punctio aut aliud quodvis arteriæ vulnus, mercurialium frictionum usus: internæ, pravus corporis habitus, fanguinis tenuitas nimia vel acrimonia, ulcus, abscessus, tumor quicumque in arteriæ vicinia, horum plurium concursus. In fignis porro diversitas occurrit à veteribus prætermissa fere, à nostræ ætatis scriptoribus accuratius notata. Si tumor rotundus est, æqualis, elatior, fensim crescens, in sui principio digito parumper cedens, si color non mutatur, & dum adolescit vehementius pulsat; tunc aneurysma ex sola dilatatione arteriæ fieri eredunt recentiores, legitimumque appellant. Sin e contrario tumor, magis durus est, depressior, ad cutim latior & inæqualis, minus pulsans, citissime increscens, cum mutato colore, spurium. Utriusque tamen unam & eandem causam sæpius esse arteriæ rupturam verosimilius est; cum, si arteriæ vulnus vel quæcumque alia solutio major sit, cutis vero rima minor, vel nulla, adeoque sanguis libere per eam esfluere non possit ea quantitate, qua ex ipsamet arteria esfunditur; cellularis substantia quæ, ubique in corpore præsens, arteriis copiosior circumjacet, cruore brevi repleta distendetur, nascenturque symptomata spurii, sic dicti, aneurysmatis propria: quod si vero, jisdem positis ex parte cutis, arteriæ apertura minima sit, præcipue autem si dura aponeurosi capsulave, ut in brachii flexura observare est, arteria coerceatur; tunc sanguis guttatim ex arteria effluens, itinere interclusus, statim coagulabitur, & insita indole grumum efficiet, qui brevi solidus factus, arteriæ adhærens, novo fanguine continenter accedente, fensim augebitur: inde tumor statim mollis, lente crescens, pulsans, deinde polyposus, arteriæ cellulosa tunica vel alia vicina per tempus callescente crassiorique reddita, indutus, & ideo procedente tempore minus pulfans, formabitur: quem proinde ex fignis legitimum quasi aneurysma omnes accipient. Propositæ aneurysmatum formationi præter phænomena favet partium fabrica. Si enim caufarum efficacia Dd 3



tunicæ tantum arteriæ exteriores, quæ cellulares sunt, lædantur; alteram quæ muscularis aut tendinea est, omnium robustissimam, dilatatum & expansum iri credere absonum est : hanc si porro etiam lædi supponas, tertia intima quæ debilis est, impetui sanguinis sola sustinendo multo impar brevi disfiliet : quod si vero intimam dumtaxat lædi statuatur, distractis alterius tunicæ fibris muscularibus, verosimilius liquidum vitale in cellulosum tenue textum, quo illæ inter se vinciuntur sese insinuans, ad cellulosas exteriores usque [a] exudabit. Hæc præterea confirmant sectiones, quæ arterias si aliquando dilatatas, easdem simul dilaceratas exhibent, sepius tantummodo ruptas. His addendum facilem, hac in re, fuisse errori locum : quippe factitias, vel cellulares quascumque membranas denfas, duras, fanguine concreto fluidove distentas, pro veris arteriæ tunicis promptum grat accipere; cum tamen diligentiori examine mediis his in cellulosis, arteria sauciata, non dilatata reperiatur. His ergo adducimur rationibus ad credendum 1°. Aneurysma ex arteriæ integræ sola dilatatione ortum rarius [b] esse. 2°. Si accidit, illud potissimum in partibus interioribus, polito fanguini arteriolo obice, produci; vix fere unquam unum arteriæ locum, sed totum simul truncum dilatari, ut in aorta, corde etiam aliquando observatum est. 3°. Aneurysma ex prægressa venæ sectione ortum ab arteriæ apertura perpetuo pendere. Cæterum aneurysma ubicumque fieri posse, cum arteriæ ubique sint, manisestum est: at in brachio frequentius reddunt celebratæ ibi in basilica præsertim venæ sectiones. Morbum autem gravissimum esse indicant partis affectæ necessarius usus, sanguinis diffusio in vicinas partes jam facta, aut levi de causa pertimescenda, earum major ac major in dies compressio, perniciofa, quam ipse sanguis effusus concipit labes iisdem communicata, curationis tandem periculum. Prognosis autem in genere varia est pro tumoris loco, diuturnitate ac magnitudine, arteriæ læsæ diametro, distantia à corde. Porro in curatione chirurgorum vulgus peccat, dum eandem methodum diversis in casibus adhibent, vel minus tutam eligunt, legemque religiose observant, contra quam tamen agere sæpius utile est,

II.

Quæ interius latent aneurysmata, vix aliam curationem admittunt quam palliativam; sanguinis quantitatem & impetum minuendo diæta, corporis quiete, commotionum præsertim nervorum sedula vitatione, imperio quorum late subjicitur vasculosum systema. Externo vero duplex curandi modus est: nimirum vel apta compressio & deligatio spleniis, fasciis, variis machinamentis, vel scalpellum. Priori modo aneurysma, quod legitimum credunt, curare primo tentant chirurgi, qui si non feliciter cesserit, ultimum

[a] Rufus apud Aëtium Tetr. IV. Serm. II. cap. 51. [b] Freind, Hift. Medic. Artic. de P. Ægiu, Monro. Act. Edimb. Tom. II. Artic. 16



timum auxilium in operatione superesse existimant; arteriam itaque ligant, moxque ipsam plerumque incidunt. Audacissimam hanc chirurgiam, absque partium inferiorum necrosi subsequente, sæpius permittunt vasa lateralia, quæ ubique, præsertim in brachio [c], haud constanti tamen numero & situ, fere semper adsunt. Spurium autem aneurysma, sui initio, statim scalpellum exposcere omnes ultro fatentur. Quare, torculari immisso, tegumentis, pro re nata, magis minusve incisis, cruor materiaque omnis aggesta eximitur : quibus peractis torcular paulisper relaxatur, ut sanguis prorumpens arterize vulnus ostendat : tum, constricto rursus torculari, qui arteriæ ligaturam renuunt, frustum unum aut alterum chartæ masticatæ arteriæ foramini imponunt, vel penicillum aqua styptica imbutum; multis deinde aliis gradatim ita dispositis, ut pyramidis apex in arteriæ vulnus spectet, totum superius membrum, præcipue autem arteriæ læsæ locum debitis fasciis deligant. Longe plures vero hanc curandi rationem aspernantes in spurio, non secus ac in co quod legitimum putant, arteriam lino vinciunt. De reliquo suus cuique operandi modus est. Sunt qui ligata superiori arteriæ parte, inferiorem quoque ad aliquod interval-lum vinciunt, quod inutile alii, imo perniciosum existimant. Nonnulli duobus in locis injectis vinculis, medium quidquid interjacet, scalpello amputant, quæ operandi ratio Purmanno debetur. Alia eft, quæ Anellum auctorem habet : ligata in parte superiori tantum arteria, ea quæ in tumore continentur exprimere tentant, intactus autem ille relinquitur. Cæterum præscribunt omnes nervum ab arteria, summa adhibita cautione, separandum, ne simul cum arteria vinciatur. Quas vero methodos & leges quousque sequi conducat, variisque circumstantiis si definiveris, aneurysmatis chirurgiam tutiorem longe reddes & faciliorem.

IIL

Jam vero, cum externum aneurysma ex arteriæ simplici dilatatione ratissime occurrat, in brachio autem ex prægressa venæ sectione perpetuo (Sect. I.) ab arteriæ apertura oriatur, certiores inde deducuntur indicationes. Unicus quippe curationis scopus est, ut arteriæ perforatæ vulnus conglutinetur. Si quæ porro in sanando venit diversitas, ea essectum causæ, non causam ipsam respicit. Essectus autem, ut supra proposumus, duplex est: nimirum sanguinis immodica prosusso, vel grumus arteriæ adhærens, qui lente crescit. Si in primo casu, liquidum arteriosum per celularem substantiam, quæcumque interstitia replentem, tanta copia suerit essus qui lud sponte vel somentis resolvi posse non speremus; ante omnia, debita incisione, cruor omnis tollendus, cum in omni vulnere heterogeneum quodvis primo eximendum sit. His peractis vulnus ut in altero

[c] Monro ibid. Art. 17. Car. Guattani Histor, Aneurysm. Fig. 1, 2, 3.



altero casu, simplex est, & in utroque, indicationibus causæ jam satisfaciendum. Hæc autem postulat factum grumum indurescere nec augeri, dum cicatrix inducetur, vel hujus loco cellulares adfeitiafve membranas ita callescere densarique, ut unum & idem corpus cum arteria efforment. Omnia affequemur debita ac constanti compressione, cujus beneficio simul laterales rami sensim, non uno impetu dilatantur. Machinamenta porro compressioni dicata, id incommodi habent, quod laminis vel globulis, ampliori superficie vasa fere omnia, æqualiter comprimant, quo omnino vacat machina cujus quamdam adumbrationem apud Scultetum [d] reperire est, à perito medico Lugdunensi [e] melior postea simpliciorque reddita, quæ sic se habet. Circulus ferreus argenteusve, multo amplioris diametri quam brachium cui inducitur, partem habet in circumferentia latiorem qua cubitus excipiatur, e regione cujus perforatur, ut cochlea e simili metallo, per receptaculum striatum deorsum producta, in apicem obtusum desinens arteriam solam, penicillis interjectis, minimo puncto comprimat. Quod si vero ancurysmaticus tumor neglectus, aut prava medendi methodo magis increvit, antiquior & durior est, si dolor urget, vel etiam si tumoris membranarum & cutis tenuitas nimia est, quam ut tumor externa compressione curari possit, exscindendus erit; nec quidem tardius, cum malo in dies crescente rami laterales haud pauci pessime affici possint, quibus tamen vitæ membri spes sola committitur, si forte trunco ligatura adhibenda erit. Scalpello itaque instructus chirurgus, probe monitus cruore vel cellularibus adscitiis, non autem à propriis arteriæ dilatatis membranis tumorem efformari, illum audacter incidet, arteriamque his sublatentem quantum fieri poterit , reteget ; diligenter explorans, quæ, quanta, ubi, qualis arteriæ ruptura, vel incisio sit? num aliud vitium? qui vasorum lateralium situs, numerus? ut his perspectis certior eligatur medendi methodus. Si quidem arteriæ vulnus minimum, si nulla alia prava affectio est; vel si truncus principalis, ut arteria brachialis, læditur; aut si rami laterales infra arteriæ vitium præcipui inde enascuntur; ligatura periculi plena est: torcularis igitur relicti ope & spleniorum (Sect. II.) postea vero machinæ superius descriptæ subsidio, compressionis via tentabitur. Sin e contrario arteriæ apertura major est, nec in uno loco, si ex diuturnitate temporis longe immutata ipsius fabrica; vel si trunci loco, ramus tantum, ut Radiæa Cubitalisve, læsus est; profecto ligatura præstat. Hoc autem in casu, quæ methodus potior sit, paucis disquiremus. Arteriam loco superiori fortiter vincire plerumque satis est & melius; cum in duplici vinctura chirurgia sit operosior, plaga & cicatrix longe major, & inde rigoris cubiti aliquod subsequatur periculum. Est tamen ubi parti quoque inferiori, imo longe plures aliæ vincturæ injici

[d] Armamentar, Chirurgic, Tab. XVIII, fig. 4.



tiebeant; quando scilicet rami laterales prope arteriæ aperturam inseruntur sanguinemque sundunt: quod quidem dumtaxat ex laxato torculari edocebimur; cum in his lex perpetua esse non possit. Purmanni methodum requirunt aneurysma ingens, durum, arteriæ membranarum gravissimum vitium, cæteroqui haud adhibendam. Anellam e contrario commendant tum chirurgia expeditior, futura cicatrix longe minor, tum ex parte lateralium vasorum major securitas: in usum itaque advocanda cum tumor parvus est, sic constitutus, ut hiantibus adhuc arteriæ membranis intimioribus, cellulares externæ jam consolidatæ sint: in aliis vero minus tutam censemus vel etiam inutilem. De vinculo autem perpetuum præceptum est, illud loco supra vulnus proximo injiciendum esse; cum inde plurium lateralium vasorum integritati prospiciatur.

IV.

Præterea, si dum aneurysmati operatur chirurgus, in separando ab arteria nervo, eaque sola vincienda major difficultas occurrat, utrumque simul colligi & ligari posse absque gravioribus symptomatibus, experimenta demonstrant. Canibus adultis , variæ ætatis , sexus & magnitudinis, cruris arteriam cum nervo adjacente, tum supra, tum infra, aliquo relicto intervallo ligavimus: nec paralyfes, nec convulfiones, aliave hujusce generis superveniebant, sed peracta operatione tranquilli erant, sensu, calore, motu, nisi hunc ultimum vulnus & fasciæ statim impedirent, nihilo fere magis immutatis : quod quidem in cruribus tam anticis quam posticis ad eorum cum trunco articulos eodem successu non semel tentavimus; eo tantum observato discrimine, quod cru--re postico, quasi non vulneratum fuisset, paucis post horis libere satis uterentur, antico autem difficilius, nisi post inductam cicatricem. Sectis -deinde canibus, locis quibus vincturæ injectæ fuerant, nervum du--rum, denfum, in olivarem figuram maxime ampliatum, tum ex mem--branarum parte, fed interioris potiffimum fubstantiæ, reperimus (ganglia dixisses): variæ autem magnitudinis pro nervi haud dubio crassitudine, pro vinculorum intervallo, temporisque spatio, quod à vinctura ad sectionem usque intercederet. Haud infeliciori eventu rem in hominibus cessisse [f] sideles docent historiæ. Ex tribus varii habitus ætatisque viris, quibus cum brachii aneurysma curaretur, nervi strictissime absque splenio ullo cum arteria ligati sunt, nullus alia symptomata passus est, quam quæ operationi vulgo superveniunt; imo trium uni membrum læsum postea robustius accessit. Fatendum tamen, quo tempore nervus constringebatur, doloris vim majorem homines persensisse, Tom. V. E e

[f] Bononienf. Scient. Instit. Comment. T. II. part. I, 1745. p. 178, Molinell, ibid, T. II. part. II. 1746. p. 67.



motum & sensum magis fuisse imminutos. At hee brevi evanescebant; & ita ad sanitatem perducti sunt, ut neque celerius, neque melius non ligato nervo perduci potuisse viderentur. Quid porro nervis, si in hominibus vinciantur, accidat, illud conjicere licet ex viri chirurgi post mortem sectione, qui triginta ante annos aneurysmate laborans à Valsalva curatus fuerat, adeo feliciter, ut quo læfus fuerat brachio, in fecanda vena, aliisque operationibus administrandis perinde uteretur, ac si integerrimum antea semper habuisset. Loco nempe arteriæ venæque brachialis, quæ per tractum non brevem deficiebant, nervus (verosimilius in operatione ligatus) infignem crassitudinem contraxisse visus est, ex tereti in sphæroïdem mutatus, ganglio similis, qui dissectus fibras longas exhibebat, cum aliis reliqui nervi continuatas, sed ibi à se invicem disjunctas, interstitiis [g] substantia quadam cellulosa repletis. Cæterum nervi mediani, qui in homine ligatus est in operatione aneurysmatis, ad alios ex flexura cubiti in reliquum membrum inferius prospicientes, ratio videtur esse ad minimum ut I. ad 3. In canis antico pede nervorum ligatorum ad non ligatos ratio fere similis apparuit, in postico autem longe minor.

V.

Frustra objiceres, allata superius experimenta multis aliis posse oppugnari; ea etenim, quæ de sensu motuve pereuntibus, passim observata funt ; hæc vel plane discissum nervum , vel admodum mollem , vel ligatum moxque restitutum unicum nervum, qui parti prospicit, respiciunt : in nostro vero casu, quid membris, cum nervus durior, qui non unicus sit diutius ligatur, superveniat, tantummodo definitur. Præs terea forsan objicient, nervum, si cum arteria ligetur, molliori vinculo stringendum esse, ne principium motus intercipiatur; adeoque facilem quidem magis operationem; at ex altera parte minus tutam fore, cum ex ligata molliter arteria effusionis sanguinis proximum sit periculum. Verum hoc argumentum facile dilui apparebit, dum observetur, ex ligato strictissime absque arteria solo nervo, eadem quæ supra attulimus evenisse, nisi quod in sectione varia quædam occurrerint. Nervus scilicet 12 dierum spatio eam magnitudinem adeptus suerat ut pollicem æquaret, majorem ea quæ in simili nervo cum arteria ligato, multo longiori tempore observata fuerat : præterea fibræ nerveæ magis conspicuæ, sinuatæ apparebant, substantia inter eas interjecta, quæ modo cellularis, vel glandulofa, modo medullofa videbatur. Porro si vincto uno nervo motum sensumque partibus inferioribus nihilominus superesse cogites, propterea quod à vicinis nervis, utpote dilatatis,

[g] Molinell, ibid. Tab. I. fig. 1, 2.



uterque suppleatur ad instar mechanices arteriarum; id credere vetabunt tum fibrarum nervearum à cerebro ad partes sine divisione in ramos progressio, tum autopsia, quæ nervum ipsummet qui vinclus est, dilatatum, vicinos vero in statu naturali exhibet. An dilatatio nervi ut gangliorum conformationem æmulatur, fic etiam officio perfungitur? An non potius ganglia hæc arte facta fimilis in naturalibus originis suspiciones moverent : adeoque ut illa mechanica necessitate ad libitum formata, nullum ex natura institutum ufum arguunt, sic & horum assignatæ functiones [b] mere fictitiæ viderentur? Quippe nullibi ganglia sunt, nisi ubi corporis folidioris preffioni, nervi exponuntur, ut intercostales, vertebrales aliique ganglis inftructi edocent. Id unum inconcussum maneat, nervos duros, musculos adeuntes, ligari posse illæsis functionibus, dum ratio vincti nervi ad alios non major fit quam 1. ad 3. Inde ergo aneurysmatis multæque chirurgicæ aliæ operationes citius, facilius institui posfunt. Inde etiam aneurysmati curando major accedit securitas, cum rami laterales nerveæque partes minus cultro exponantur. Hinc cum multis difficile videatur [i] absque punctionis nervi periculo arteriam à nervo separatam lino vincire, & aliunde ligandi nervi vana formidine terreantur, aneurysmatico sacco aperto, arteriæ incisæ orificio superiori glebam ex vitriolo objicere satis habent : qua sane methodo, si nos audiant, deinceps abstinebunt, ut pote [k] infidissima. Ligata porro in cane salvo membro crurum (Sect. IV.) arteria audaciores nos jubet esse ad tentandam aneurysmatis in semorum hominis arteria curationem, servandumque membrum ; trunco enim haud pauci adsunt rami laterales, quorum unum minimum, maxime dilatatum brachio vitam fervasse sectio [1] edocuit. Quod tamen obiter indicasse satis fuerit, cum ex præmissis hanc tantum nobis liceat deducere conclusionem.

Ergo tutior faciliorque, vulgari, datur aneurysmatis chirurgica curatio.


[b] Lancis. de Gangliis nervor.

[i] Platner. Instit. Chirurg. No. 344.

Aëtius ibid.

[/] Molinell. ibid. Tab. II. fig. 2.

FINIS.







CXL

DE

NOVABRACHIUM

AMPUTANDI RATIONE

 $D\ I\ S\ P\ U\ T\ A\ T\ I\ O.$

Praside

EL. FRID. HEISTER,

Respondit

RUDOLPH. HENR. ZEIDLER

VERDENSIS.

Helmstad. 21 Mart. 1739.

Ee 3

